

Satu lagi projek durian belanda

Pusat Khidmat Masyarakat Dun Tanjung Sepat cadang buka sebuah ladang di kawasan lebih sesuai

TANJUNG SEPAT - Sebuah lagi ladang penanaman durian belanda akan dibuka di selatan Kuala Langat dan Sepang sama ada di Bukit Bangkung atau Hulu Teris, pada tahun ini.

Adun Tanjung Sepat, Ir Mohd Haslin Hassan berkata, tanaman di Sungai Lang Baru yang dilancarkan sejak 2014 didapati menghasilkan kualiti buah yang kurang baik.

Oleh itu katanya, projek dengan Pusat Khidmat Masyarakat Dun Tanjung Sepat itu akan mencari lokasi yang lebih sesuai dan strategik untuk projek penanaman buah berkenaan.

"Sebelum ini kita nak promosi kan buah belanda yang dihasilkan pun tak boleh kerana kualiti yang dihasilkan belum mencapai tahap yang dikehendaki.

"Saya rasa mungkin disebabkan sistem perparitan yang sedia ada dan

masalah kaedah pendebungaan.

"Bagaimanapun, bagi tujuan itu, kita dah dapatkan pandangan dan bantuan pihak tertentu mengenai kaedah pendebungaan secara manual dan telah menunjukkan hasil seperti yang kita inginkan," katanya.

Beliau berkata demikian bagi mengulas projek perintis penanaman durian belanda itu yang bermula di Sungai Lang Baru melalui projek hasil cetusan anak muda tempatan sebagai salah satu usaha membantu golongan berpendapatan rendah.

Menurutnya, pihaknya perlu lebih fokus kepada kesihatan pokok itu sendiri selain kuantiti yang dihasilkan sekiranya mahu melaksanakan program yang lain.

"Tahun ni juga kita dah jumpa bagaimana kaedah supaya buah ini ikut masa yang ditetapkan dan hasilkan kualiti yang baik," katanya.



Haslin bersama Exco Kerajaan Negeri Selangor, Mohd Zaidy Talib ketika merasmikan Fasa Kedua Tanaman Berkelompok Durian Belanda Sungai Lang Baru pada November 2014 yang lalu.

'Jangan sampai rakyat jual tanah'

KUALA LANGAT - Kerajaan negeri disaran lebih sensitif berhubung isu temakan ladang babi, kata Pengerusi Urno Negeri Selangor, Tan Sri Noh Omar.

Beliau berkata, kerajaan negeri perlu melakukan perancangan dan kajian teliti kerana ia melibatkan sensitiviti kaum dan agama.

"Kita tak halang, memang ini hak rakyat untuk bergiat dalam bidang ekonomi termasuk temakan babi, tetapi kerajaan negeri mesti ambil langkah pro aktif.

"Jika tidak, komuniti ini akan ambil tindakan sendiri dan menyebabkan rakyat pula akan rasa tak ada pembelaan," katanya.

Beliau berkata demikian ketika mengulas mengenai status

penternakan ladang babi di Kuala Langat selepas menghadiri Majlis Persaraan Guru Besar Sekolah Kebangsaan Methodist, Ahmad Roshidi Md Sirat, di sini.

Noh yang juga Menteri Kementerian Kesejahteraan Bandar, Perumahan dan Kerajaan Tempatan berkata, pihaknya menerima banyak aduan mengenai isu temakan babi tersebut.

"Jadi kita harap sangat kerajaan negeri prihatin. Jangan sampai rakyat pula terpaksa jual tanah atau berpindah kerana tak tahan dengan bau dan pencemaran.

"Dan yang paling kita nak elakkan pertambahan atau pembesaran ladang khinzir yang tidak dirancang terus berlaku," katanya.



kita harap sangat kerajaan negeri prihatin. Jangan sampai rakyat pula terpaksa jual tanah atau berpindah kerana tak tahan dengan bau dan pencemaran. - Noh

Desa Ehsan yang terbiar akan dipulihkan: Adun Morib

PERMATANG PASIR - Perumahan Desa Ehsan di Kampung Permatang Pasir yang dahulunya menjadi kawasan penempatan untuk golongan asnaf kini semakin terbiar.

Malah, gambar kawasan itu mula menjadi tular di laman sosial Facebook disebabkan keadaannya yang semak-samun dan tidak diuruskan dengan baik.

Ketika perkara ini diajukan kepada Adun Morib, Hasnul Baharudin, beliau berkata, kerajaan negeri mempunyai perancangan untuk menaik taraf kawasan berkenaan.

Malah, beliau turut menafikan tanggapan negatif sesetengah pihak bahawa mereka tidak melakukan apa-apa pembaruan di Selangor.

"Namun dalam isu ini saya pun musykil mengapa pihak bertanggungjawab terlepas pandang dengan keadaan penempatan itu.

"Saya anggap mereka ada perancangan lain, dan saya sarankan kemudahan rumah untuk asnaf ini perlu diteruskan dan dinaik taraf supaya dapat dimanfaatkan sepenuhnya," katanya.

Hasnul berkata, beliau berjanji akan memberi penekanan terhadap isu tersebut kerana ia terletak di kawasan berhampiran jalan besar.

"Saya juga akan saran jawatan-

kuasa kampung untuk adakan gotong-royong dalam masa terdekat," katanya.

Sebelum ini, Lembaga Zakat Selangor (LZS) pernah meningkatkan kualiti kehidupan asnaf khususnya fakir dan miskin bersama bekas

Adun Morib, Hasiman Sidom menerusi program yang teratur dan terancang yang diadakan di Desa Ehsan Permatang Pasir.

Sementara itu, LZS akan memberi maklum balas berhubung isu tersebut dalam masa terdekat.



Desa Ehsan yang dilihat somak dan terbiar yang menjadi tular di Facebook.